

盧龍縣志卷十

風土 宗教 民生 禮俗 方言 歌謠

宗教

天主教 中國之有天主教自清康熙間南懷仁爲始本縣之有天主教自清道光間由建昌營而來光緒二十四年始建築教堂於縣治北街至二十五六七年陸續承租城內大新坡地建設今之教堂爲永遵十屬天主教總堂主教及中外司鐸駐居於此附設男女高初級小校各一所均私立男高小畢業已十三班女高小畢業六班內有修道院一所專栽培華籍司鐸分往各分堂司傳教設育嬰院一所專收窮苦無告之小孩教以教育及職業教民人數初僅數家計九十一名口今則數百家計一千六百二十三名口概居於城內北街及城外雷家店子黃官營喬各莊等村近年灤河以西亦日漸興盛較十年前不可同日語也

耶穌教 縣境之有耶穌教始於清光緒初年逾十年後始在北街設立福音堂現在境內信奉耶穌教者四百四十二人

回教 縣境有回教由清嘉慶間自建昌營來現在城內獅子胡同路西建有清真寺一座城鄉教徒男女共六百七八十人對於宗教信仰最力惟仍注重國家教育學齡兒童無分畛域及性別蓋以造就人才爲基礎也

希臘教 一名東正教清光緒三十年間在城內鐘樓上坡路北修築教堂旋因俄人勢敗教民散去將房間價賣今爲小學校借住

民生

盧龍爲地瘠民貧之縣普通民衆其所衣多本地粗布或舶來洋布用綢緞者極少其所食多小米紅糧而食麵粉者無多所住多土房間有灰房無樓房瓦房亦少所行多徒步有牛驢車用騾馬者甚少更無人力車及電車此衣食住行之大概也境內無織工廠惟有數家小本營業之賣布舖無糧食管理存儲運輸各大商店僅有驢馱之販糧人且無製造家具車船各工廠關於衣食住行咸感不便焉茲就縣境之民生列表如下

人民生活狀況表

縣名

盧龍

衣

服用之華縷視經濟為轉移縣境瘠土也茲將衣之一項略分為質料制度其他三則(一)質料夏葛冬裘惟仕宦及富裕者享用之若孤貉之厚所見極罕中等資產及中等階級多著洋布用毛織絲織者蓋鮮民戶之家習於樸素且因土壤所宜比戾植棉婦女之紡聲嗚嗚機聲軋軋視為天職雖成工之織品不若洋布價廉而堅固耐久則過之故農工兩界多衣大布之衣其布與棉絮非著至破爛敗廢不止勢使然也(二)制度衣之長短廣狹尚能

食

一方水土一方人俗語也亦至理也境內不宜稻麥所食面粉白米多由外運而來然此為中上階級所用若普通食品則高糧小米玉黍及豆為大宗農戶之家以山芋佔食料十分之二三非喜慶年節或延客不恆用酒肉然而春初早韭秋末晚松胡瓜蘿蔔之類是為常品田家亦饒風味夏秋三餐冬日酌減一餐期充腸不任適口蓋儉猶不足安敢云奢全縣每年所產糧額僅

住

本縣為小邑亦僻僻邑舊稱四百三十八村恒有三五戶名一村者故編鄉僅百三十五居室以土平房為多瓦房絕少大約每鄉瓦房不過數間甚有非廟宇不見瓦屋者普通人家多土平房用岩以代甃用土坯以代石用黃土以代石灰不尚華美僅蔽風雨牆垣多有不勝雨淋因而傾倒者則因陋就簡之故也居室之制度以每院寬三間者佔十之九且形偏仄者為多無力之

行

境內築有電路及平榆大道係預備國用者電車之往來歲不一見自無乘坐之可言中上階級所用以代步者多雇用驢車及馬匹商賈之轉輸陸則大車水則船運農家載重非牛車即驢馱出行時亦多用牛驢車或乘驢或徒步無摩托車人力車及兜子馱轎亦無人推人挽之車雖間有使用自行車者蓋千分中之一二也車之制最普通用鐵瓦者曰鐵瓦車不用鐵瓦者曰

總括或特殊狀況

全縣狀況衣不華美食多粗糙住則陋巷行少闊綽緣地瘠民貧工廠毫無交通梗塞無富商大賈人口十六萬餘多自食其力且十九業農地狹人稠終歲勞苦蓋瘠土之民嚮義也

附記

此外可記述者三十年前用鐵石相撞以引火家居有火匣行路有火鏈今則統用火柴矣三十年前用棉子油以燃燈今則無論貧富皆用煤油雖捐稅日增而用棉子油者鮮矣三十年前用煤者祇鐵工今則以煤為燃料者十之四五矣至如貿易多用担挑漁獵多持網銃汲水仍用轆轤樵採必以鐮扒出作入息無間寒暑此風尚稱近古云

因時制宜除政界
學生界著制服農
工界著便服外男
子夏則長衫冬則
長袍馬褂每遇喜
慶喪弔且以著馬
褂爲致敬盡禮城
鎮之婦女間效摩
登短其袖褲露其
臂肘著裙而不拖
地自翻時髦蓋效
響者其性也(二)

其他如首所戴者
中上階級之男子
夏則多用麥梗草
帽冬則毛質禮帽
外此則瓜皮便帽
爲多農工夏則用
尖頂之笠冬則毡
及布帽而已婦女
均裹馬尾綴簪而
用髮網其簪飾亦
較從前爲大減施
脂粉者亦少習俗
乃近於佳惟各界
多著洋襪則鄰於
奢矣

數十分六之用故
所糴者多由他省
運至人民之口腹
固如是也

家恒有每一院住
三四戶者豬圈牛
欄草棚廁所雖不
盡合衛生亦各相
度有制爐灶均接
臥榻以爲取暖之
計蓋比戶皆然也
室多南向其北向
者實少父子兄弟
之間絕無同宿一
室者既嚴尊卑亦
遠嫌疑足徵風俗
之美也

自查車騎驢不轄
鞍率用布製之輓
屨縣境之青凝二
河夏備船隻冬備
土橋每歲船橋用
欸輒數千元築土
橋修電車路徵集
民夫用費亦由民
間攤派實爲附骨
之疽關心民瘼者
提倡籌集鉅款修
築鉅橋以爲一勞
永逸之計但爲經
費所窘難期實現
耳

禮俗

冠禮 古者男子二十而冠女子許嫁則十五而笄未許嫁則二十而笄今則男子冠禮久不行女子笄禮久不講矣禮既云亡故志無可錄

婚禮 盧龍地處偏僻古道猶存男女議婚仍待父母之命媒妁之言迨至婚定而後

雖無庚帖衫巾等證件亦無中途翻異風俗之厚可見一斑方議婚之始女家示明年

庚男家出具約指簪飾取其相約之義此即古所謂納采問名之一端納采爲采擇之

義故亦有所議無效將約指等物退回者若雙方商議允協男家備相當物品送往女

家謂之定禮男女家各邀媒妁交相燕會名爲會親蓋取婚定由於納吉之義及婚嫁

有期男家先期數日或月餘擇吉箋書月日備簪釧衣料果餅之屬送往女家謂之過

禮俗謂之催妝蓋即納徵請期之義惟吾鄉習俗不親迎屆期備綵轎趁吉時並請親

族中男婦與之偕往女家謂之娶客女家亦請男婦偕往男家謂之送客女以紅巾覆

首俗名福巾

案即古之結褵

加景於衣上俗謂穿轎衣

案即古之娶衣取行道禦塵之義

女到門以毯籍地人轉接之

使行其上庭中設香案男左女右拜畢導入新房行合巹禮

吾鄉飲男女以冰糖水謂之交杯與他縣即夕設酒食令夫婦對飲由至親長

幼相陪者有別

上頭後女安坐席間俗謂坐福事涉不經

案上頭古禮也

既夕吃福壽麪無鬧房之惡俗

於未娶之前夕在新房鼓吹一次謂之鬧房蓋預慶也

次日女家送餚饌

近多代以肉麪

俗謂送食盒

又稱圓飯

即古所謂婦盥饋禮以奉

舅姑食以成婦道也廟見之禮因北方多無家廟故於中堂設祖先牌位祭之次拜竈

神及諸親族又婦家娶新婿謂之回門

案即古之反馬

但無定期婿至婦家於婦之父母行請覲

禮則辭以未敢婿拜則答拜婿以子道來婦家以賓禮往次及於婦黨諸親並答拜

俗世

有婿拜婦家祖先之禮吾鄉無行之者

婚禮之大略如此或亦自爲風氣歟

喪禮

初終時先報廟

鄉間報於五道廟城內報於城隍廟以北方無家廟姑借地耳

次赴告親戚僚友但吾鄉皆由孝子署名

無僕人代其家主出名報喪者孝子每日嘯復大殮必俟三日冀死者生氣復而能蘇

也三日而不能蘇然後行死事黃昏時親友齊來送殮謂之送三晚間孝子持魂幡赴

廟中招魂回家俗謂之引魂亦謂接三並於大門外設小席祭門神無謂之甚斯時也

魂麗於棺招魂幡於無用乃於村外以火焚之俗又謂之送路或謂之上西天

或云取黃種西來仍

歸於西之義

無力之家三日後即葬士庶之家稍有力者於招魂後即封喪古謂之殯擇期啓

殯俗曰啓靈行文曰告啓期其恐有訃不周者則於門首寫恕報不周或寫恕不徧訃

字樣謂之門報另書亡者官銜名字年歲及生卒年月謂之喪榜

今之殃榜近於迷信與表喪無涉

惟男榜

上書某官某公女榜上書某公元配或繼配某夫人淑人之類非喪家口氣似出自鄉

人之口有謂爲鄉榜者庶幾近之葬以前行開弔禮戚友之赴弔唁者具奠儀無取其

厚尙往來增光榮也凡行成主禮者必擇親友中之顯而有德者任題主之事稱爲大

賓以示尊主之意題主之本義爲書主應莊敬書之今則預倩他人將神主寫就僅留

其點臨時由大賓以朱筆點之

俗因稱點主

示不敢煩其細書也

或謂點主用朱筆孝子應刺中指血點之取血統相傳之義今則以公雞血代之謂能避

邪既失本義亦屬不敬

則其事祇近於爲大賓誇官而朱筆則爲批判式且近於上行下蓋失尊主

本意矣又銘旌一物似非盡人可用旌者旗也生時有旗幟死則樹其旗於柩右仍爲

表明之用也亦有人不盡有爵死時而欲爲表明之須製如旗幟之物亦謂之銘旌但

古時銘旌長廣有度窆時縱加柩上今人則不然率以長數尺或丈餘之紅綢爲之臨

葬時不加柩上均味本義既葬有立碑誌墓者有以碑銘發揚先德者孝服則一遵舊

制視親疏而異其等惟出嫁女多不降服仍持三年喪禮蓋天性至厚處也

祭禮 士庶多於堂室之中設龕以位主凡朔望歲中逢節及忌辰以時祭之因家廟

甚少也每歲清明備牲楮冥物集闔族長幼於墓嚴肅以祭先增土於冢上恐夏雨漏墓也七月中元仍祭墓有謂薦新者至十月一日則焚化寒衣紙及冥楮先晚設奠於家次日復奠於墓蓋春露秋霜本於追遠之意盡孝思也七月中元之祭惟設奠焚楮若新墓則孝子先期祭墓習俗相沿由來久矣外神則惟竈爲常祀臘月二十三日設糖果以祀之元旦日五鼓迎神於院內造蘆棚設天地神祇位於內晨昏上香逾元宵爲止士庶郊天之禮在清時爲僭分因敬不究耳若男女禱廟祈福舊日愚夫愚婦往往而有今則迷信破除祈禱之風漸少矣

附風俗

士 清初沿明舊制曾經停止八股考試策論未久旋復舊制士子潛心經史博古通今類能坐言起行而徒鶩科名妄邀榮施者亦數見不鮮光宣之季行新法立學校注重實際不尙空談凡學校出身競求根柢力戒皮毛惟本縣學子多限於資力非輟學即改圖家庭乏培植力自身無深造功以言文化較昔爲遜近經主管機關從事根本救濟

農 縣境民風素稱樸厚出作入息率能務本對於農事饒有經驗主人待遇長工亦頗存厚道如春初召之來秋末遣之去以及開犁開鋤開鑿麥秋黍秋四時季節均具酒食以犒其勞一經傭僱妥協即支付全年工資不立合同字據而工人中途翻異者亦百無一二其信義有足多者惟境內幅員偪仄四面多山而不能實行造林灤漆交貫而不能利用灌田統計上地八百餘頃多沿河岸恒被冲刷致沃壤變爲平沙中地八百餘頃下地二千餘頃最近調查人口逾十六萬生齒日繁田畝日削戶鮮蓋藏生計堪虞妥籌救濟責在司牧

工 境內無著名之工藝亦無著名之工業其有以工名者不過日用所需之器物而已

商 處閉塞之地而連年蓄害城廂之間直無正式商號可言不過每遇集期午前互市午後即散所易亦祇日常所需油鹽柴米之屬無富商大賈携資營業者近因紙幣充斥兌換現金時虞虧折市面流通感受不便

歲時 元日味爽庭中熾栗炭以迎旺氣啓視除夕納於莖楷內置於水中之十二豆

粒而次數之某粒潤者其月雨乾者其月旱三日內鄰里交賀謂之賀年上元前鄰里爭以酒食相酬酢曰會年茶自朔日起以日卜有一鷄二狗七人八穀之說預占某項休咎承平時上元之夕城內通衢張燈演雜劇前夕爲試燈後夕爲殘燈二十日爲小填倉女子于歸者俱於此數日宴會二十五日爲大填倉以糕飯粘於倉箱盎甕炷之以香爲兆豐盈仲月二日爲龍抬頭日農家爭於黎明汲水謂之挑倉龍晨餐食煎餅

龍抬頭即經言蟄蟲始震之義在節候屬驚蟄俗謂恐蟲害苗烙煎餅以示殺

由上元迄今婦女每有停針黹以示禁忌之積習季月清明

節男女多掃墓穀雨節造醯醬孟月十八日舊俗祀天后婦女多往求嗣近則此風漸革仲月雨占麥豐歉俗云初一初二麥脚黃初三初四落把穰謂各日忌雨也五日端午節比戶插桃枝貼門符兒童脰臂繫綵絲成人多佩艾謂能避疫癘普通食角黍但無競渡之戲婦女羣遊謂爲走百病兒童所繫綵絲及所佩芙虎均棄道周舊俗是日多演戲以祀電神而今已亡矣二十四日舊爲城隍廟會期今尙舉行祇藉以提倡商業無從前出巡 怪象十三日多雨有大旱不過五月十三之說是月總宜早有有錢難買五月旱六月連陰吃飽飯之說頗近情理又此說亦用之於季月但吾邑灤漆歲

或爲患雖至月杪尙有莊稼老兒你別誇還怕六月二十八之古語秋月七夕婦女乞巧之說已少傳者中元祭墓略如清明而盂蘭會之風已不存在仲月朔蒸黍飯祭場圃俗謂祀風婆亦取新穀登場報賽食新之義中秋日市月餅瓜果具酒食知識階級藉以賞月農人則慶秋成亦有以瓜果相饋遺者季月九日爲重陽節比戶皆食糕亦沿古義但無登高者十月朔士民祭先墓焚冥衣是月也農工畢讌遣工人歸仲月長至日或延客以賀冬村人則於此農隙之時計一歲之盈虧作整理之計畫季月八日普通以米豆雜果煮粥下旬三日祀竈除日易桃符貼聯對陳儀於真宰位作家讌兒童作終夜戲謂之守歲燃爆竹以迎新歲云

方言

(一) 稱人

(二) 家庭

漢人稱父爲爹稱母爲媽爲娘滿人稱父爲爸稱母爲阿娘稱嫂爲姐漢人稱祖父爲爺稱祖母爲奶稱曾祖父母爲太爺太奶稱高曾祖父母爲老太爺老太奶稱大二伯

母爲大嫗二嫗婦女稱翁姑爲公公婆婆對面稱稱夫兄弟爲大伯子小叔子伯讀如另陰平叔讀如反陰平

然對面仍稱兄弟稱夫之伯叔父母爲大伯公公叔公公大婆婆嬌婆婆對面稱大爹二叔某嫗某嬌一如其夫稱夫之姑

母爲姑婆婆對面仍稱某姑稱夫之姊妹爲大姑子小姑子對面稱某姊妹普通稱家中已嫁之女人長者

爲老姑奶奶未嫁女之年幼者爲姑娘俗亦稱妓爲姑娘稱家中主事者爲當家的婦人對他人多稱其夫爲當家的

(女)戚屬

稱外祖父母爲老爺老姥稱舅母爲妯母稱岳父母爲丈人丈母對面仍稱岳父母稱內兄弟爲

大小舅子稱內兄弟之妻爲大小妯子對面仍稱某兄嫂或某弟婦稱妻之姊妹爲大小姨子對面稱某幾姨稱婿

爲姑爺年長者爲老姑爺年幼者爲少姑爺普通稱姑爺其當而稱婿者極少稱盟兄弟爲把兄弟把字取八拜結交之義

或稱乾兄弟稱義父母爲乾爹乾娘對面稱爹嫗稱義子爲乾兒子

(口)社會

對於階級較高或有職守者稱老爺知識階級以稱先生爲高尚即稱其妻爲太太老爺太太之名近世未免太濫稱仕宦之

子女爲少爺小姐稱普通男子爲老爺們爺字讀陽平稱婦女爲老娘們年長之男女爲老爺

子老娘子稱男女童爲小小子小了頭稱客人爲主讀如且上聲稱介紹人爲引進人稱調停

人爲中人稱舖長爲掌櫃的又稱老板

有大老板二老板之別

稱工頭爲掌作的亦稱工頭稱男傭

爲作活的

或稱夥計如張夥計王夥計

稱女僕爲老媽子

如張媽王媽

稱侍女爲梅香亦稱丫環稱御者爲車夫

又稱車把式稱牧人爲放牲口的稱舟子爲水夫或稱擺船的稱乞丐爲化子又稱跑

腿的通稱男女巫爲跳神的單稱男巫爲丹公子女巫爲尸婆子稱穩婆爲收生的亦

名老娘婆稱產婦爲作月子的男僧爲和尚女僧爲尼姑

或簡稱姑子

稱偷兒爲賊小偷爲

小結

官而謂之扒手

拆白爲家迷驢的以婦女誘人者爲放鷹的紈袴子弟爲落道帮子好訟者

爲訟棍或名官司由子豪橫不可理諭者爲滾刀肉或稱花脖子迹近欺詐爲蒙事的

又名虎式的武斷鄉曲一手遮天者爲莊主

(2) 名物

(4) 用物

木料曰木頭石料曰石頭五金之屬曰金的銀的紙幣曰錢帖子或曰洋錢票子土牀

曰匠箸曰筷子長衫曰大褂背心曰坎肩兒耳環曰墜子釧曰鐲子舶來品曰洋貨火

柴曰洋火又曰洋取燈兒銀幣曰洋錢人力車曰洋車子煤油曰洋油

(女)食物

杏子桃子曰杏兒桃兒麻油曰香油豬油曰葷油棉籽油曰黑油湯圓曰元宵油條曰

香油果子但用香油者少

(口)畜類

畜類不一以陰陽性而異其名馬之牝者曰騾馬牡者曰兒馬牛之牝者曰乳牛牡者

曰犏牛亦曰犍子或以已闌者為犍子驢之牝者曰草驢牡者曰叫驢羊之牝者曰母羊牡者曰羯

子團尾者曰縣羊舒尾者曰山羊犬之牝者曰母狗牡者曰兒狗豬之牝者曰母豬又曰窠豬窠讀如科陽平牡者曰

跑狼係指未闌者若已闌則有正兒科兒之別雞之雌者曰草雞亦曰母雞雄者曰公雞貓之牝者曰女貓牡者曰

郎貓鼠曰耗子鼫鼠曰黃鼠狼以製筆稱狼毫兔曰玄兒玄陰平以其終日蟄伏得名也北方謂蟄伏曰玄如小隱曰玄處又呼喚家畜者

如呼牛曰魔呼犬曰色又呼黃頭灰頭黑頭花頭之類呼貓曰狸呼鷄為穀穀呼豕曰勒勒又呼劣劣呼驢

為都劣呼驢馬為厄已

(二)蟲類

蛇曰長蟲蜻蜒曰螞蟥螞蟥讀平陰壁虎曰蠍虎子蚓曰曲蟪蟬曰吉了兒螳蜩曰熱古都兒蜣

蝦曰屎科蝦

(万)鳥類

烏鴉曰老鴰

鴰讀如瓜陰平

麻雀曰家雀兒黃鸝曰黃胡魯兒鳩曰水鳩鳩梟曰貓貓頭

(勿)魚類

泥鰌曰沙鑽子鮎魚曰大嘴甲魚曰忘巴鯽之小者曰鯽古羊海螺曰海元元

陰平

(3)表行即關於動作者

取物曰求

上聲

不工作曰不幹活泡茶曰沏茶割肉曰砍肉買酒買鹽曰打酒打鹽飲酒

飲茶曰喝酒喝茶吸烟曰抽烟猜拳曰豁拳

豁讀如華取其高會之意

小寢曰打盹長眠曰睡覺沈睡

曰酣睡遲眠曰熬眼兒又曰熬夜兒汲水曰挑水樵探曰打柴禾支更曰打更

讀如京

稍

憩片時曰待一會兒微有疾曰不舒服又曰不愛動新設肆曰開市初次成交曰開張

閑談曰洛科兒

科讀如瓦

詼諧曰取笑兒偷閑曰偷游兒

(4)狀事

(5)性行

作事直截了當曰痛快反之曰顛預作事不光彩者曰埋態作事冒失曰愣張又曰半標子猝遇疑難不決之事現於顏色者曰發愣怔作事恰巧滿意曰辦的俏皮呼書痴為書獃子呼憨蠢為笨漢子又曰二憨頭又曰二大_{陽平}呼土頭土腦為老桿

(女)身體

遇事依違兩可者曰滑頭操行不端者曰壞骨頭又曰_子雜子_{聲上}呼壯健之人曰硬

楞有精神病者曰瘋子目失明曰瞎子耳失聰曰聾子缺臂曰豁子_{唇讀如}跛足曰癩

子又曰拐子佝僂曰羅鍋子少年婦女好修飾儀容曰俏皮名乳房為_乳名乳頭為_乳

乳頭乳汁為_乳乳水又曰奶_{乳陰平小兒食乳曰吃乳又曰吃奶故俗謂乳娘為奶媽子}

(5) 紀時

(4) 屬於自然者

羊角風曰旋風風霾曰黃風雲曰雲彩朝霞晚霞曰火燒雲以占晴雨曰朝霞晴晚霞雨霹靂曰暴雨反之曰沈雷電光曰打閃小雨曰濛濛雨又曰膩蟲雨大雨曰暴雨又曰箭桿雨淫雨曰連陰雨雨後虹現曰起絳天將陰雨或風雪曰變天雨後初霽曰開